

**Qalerallit avaleraasartuullu avataasiorluni
aalisarnermi pisarineqartut akitsuutaat pillugit
Inatsisartut inatsisaata allanngortinneqarnera pillugu
Inatsisartut inatsisaat
(Qalerallit immannguaannaq suliat
suliarineqanngitsullu akitsuutaat kiisalu aalisakkat
ikerinnarsiortut ilaasa Tunumi pisarineqartut
akitsuutaat)**

§ 1

Qalerallit avaleraasartuullu avataasiorluni aalisarnermi pisarineqartut akitsuutaat pillugit Inatsisartut inatsisaanni nr. 11, 3. december 2012-imeersumi, Inatsisartut inatsisaatigut nr. 9, 29. november 2013-imeersukkut aamma Inatsisartut inatsisaatigut nr. 10, 8. juni 2014-imeersukkut allanngortinneqartumi makku allannguutigitinneqarput:

1. Inatsisip taaguutaa ima oqaasertaqassaaq:

"Qalerallit akitsuutaat aamma aalisakkat ikerinnarsiortut ilaasa Tunumi aalisarnermi pisarineqartut akitsuutaat pillugit Inatsisartut inatsisaat."

2. § 1, imm. 1, ima oqaasertaqarpoq:

"Qalerallit Kalaallit Nunaata oqartussaaffigisaani nunallu allat oqartussaaffigisaanni aalisarneqartut aamma aalisakkat ikerinnarsiortut ilaas Tunumi aalisarnermi aalisarneqartut akitsuutaat inatsimmi matumani aalajangersakkat naapertorlugit akilerneqassapput."

3. § 2 ima oqaasertaqarpoq:

"§ 2. Akitsummik akiliisussaatitaaneq piffissami pisarineqarfianni atuutilissaaq, taamaattorli tak. imm. 2.

Imm. 2. Sinerissap qanittuan qaleralinniarnermi akitsummik akiliisussaatitaaneq piffissami tunitsivimmut tunisassiorfimmulluunniit, matumani aamma umiarsuarmut tunitsivimmut tunisinermi atuutilissaaq."

4. § 3, imm. 1, ima oqaasertaqarpoq:

"§ 3. Suliffeqarfit aamma inuit avataasiorluni qaleralinniarnermi pisassinneqarsimasut qaleralinnut kiilumut akitsuut 2,50 kr.-iusoq akilissavaat, taamaattorli tak. imm. 2. Akitsuutip naatsorsornerani ilanngunneqassangillat pisat ilaas saaniagassatut tunineqartussat."

5. § 3-p kingornagut qulequtaq ima oqaasertaqassaaq:

"Aalisakkat ikerinnarsiortut ilaasa Tunumi aalisarnermi pisarineqartut akitsuutaat"

6. Qulequttap nutaap kingornagut ilanngunneqassaaq:

"§ 3 a. Aalisakkat ikerinnarsiortut ilaasa Tunumi aalisarnermi pisarineqartut akitsuutaat, angallatinut Kalaallit Nunaanni angerlarsimaffeqartutut aamma Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasunut tunngatillugu angissuseqarput:

1) Ammassassuaq,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 25 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 80 øre.

2) Ammassak,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 15 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 0 kr. 70 øre.

3) Avaleraasartooq,

a) angallat Kalaallit Nunaanni angerlarsimaffeqartutut nalunaarsorneqarsimasoq atorlugu pisarineqartoqkiilumut 0 kr. 95 øre.

b) angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq atorlugu pisarineqartoq kiilumut 1 kr. 50 øre.

Imm. 2. Aktie- imaluunniit anpartsselskabip Kalaallit Nunaanni angerlarsimaffeqartup angallat Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasoq inuttaqartinnagu, kisiannili angallatip naalagaa, maskinmesteria taakkuluunniit marluk kisiisa ilanngullugit attartorpagu, akitsuutit angallatinut Kalaallit Nunaanni angerlarsimaffeqartutut nalunaarsorneqarsimasunut atuuttut akilerneqassapput.

7. § 3 a-p kingornagut qlequtaq nutaaq ima oqaasertaqassaaq:

"Qalerallit sinerissamut qanittumi aalisarnermi pisarineqartut akitsuutaat"

8. Qulequttap nutaap kingornagut ilanngunneqarpoq:

"§ 3 b. Suliffeqarfuit aamma inuit § 3, imm. 1-imi pineqartunut ilaangitsut akitsuut, qalerallit tunitsivimmut tunisassiorfimmulluunniit tuninerisigut isertitanik 5 procentiisut angissusilik akilissavaat.

Imm. 2. Isertitanik imm. 1-imi taaneqartunik tunniussisup akitsuut tunniussilernermini unerartissavaa. Unerartitsineq pissaaq unerartitsisussaatitaasup aningaasanik unerartinneqartussanik naatsorsuineratigut, aningaasallu isertitanit ilanngaatiginerisigut."

9. § 4, imm. 2 aamma 3, ima oqaasertaqarput:

" Imm. 2. Suliffeqarfuit aamma inuit akitsuummik akiliisussaatitaasut § 3, imm. 1-imi aamma § 3 a-mi taaneqartut akitsuutip naatsorsornissaanut akitsuutillu eqqortumik akilerneqarnissaanik nakkutilliinissamut tunngavigineqarsinnaasunik naatsorsuusiussapput.

Imm. 3. Suliffeqarfuit aamma inuit akitsuummik akiliisussaatitaasut § 3, imm. 1-imi aamma § 3 a-mi taaneqartut akitsuusigassat taakkualu akitsuufitaat piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat."

10. § 4 a-tut nutaatut ilanngunneqarpoq:

"**§ 4 a.** Suliffeqarfut unerartitsisussaatitaasut § 3 b, imm. 2-mi taaneqartut suliffeqarfut aamma inuit qaleralinnik tunisisartut, isertitat tunniunneqartut, bonusit il.il. paasissutissallu allat pillugit naatsorsusuissapput, akitsuutip naatsorsornissaanut akitsuutillu eqqortumik akilerneqarnissaanut tunngaviusinnaasunik.

Imm. 2. Suliffeqarfut aamma inuit unerartitsisussaatitaasut § 3 b, imm. 2-mi taaneqartut tunitsivinnut tunisassiorfinnulluunniit ataasiakkaanut tunngatillugu tunisat akitsusigassat amerlassusii, pissarsiat tunniunneqartut amerlassusii taakkualu akitsuutitaat piffissap akitsusiiffiusup qaangiunnerani, kingusinnerpaamillu piffissap akitsusiiffiusup qaangiunnerata kingorna qaammammi ulluinnarmi kingullermi akileraaruseriffimmut nalunaarutigalugillu akilissavaat.

Imm. 3. Nalunaarut piffissaagallartillugu nassiunneqanngippat akiliisitsissut piffissamut akitsuummik akiliiffissamut akitsuutip 2 procentiinik angissuseqartoq, minnerpaamilli 500 kr.-iusoq annerpaamillu 5.000 kr.-iusoq akilerneqassaaq."

11. § 7 ima oqaasertaqassaaq:

"**§ 7.** Naalakkersuisut akitsuummik akiliinnginnissamik qinnuteqaat akuerisinnaavaat, misileraalluni aalisarnissaq peqassutsimut imaluunniit inuussutissarsiornermut pingaaruteqartoq akuersissutigineqarsimappat, aammalu akiliinnginnissamik akuersinerup aningaasatigut sunniutissai annertunngippata."

12. § 8, imm. 1 ima oqaasertaqassaaq:

"**§ 8.** § 1, imm. 1-imik, § 3, imm. 1-imik, § 3 a, imm. 1-imik, § 3 b-mik, § 4, imm. 2-mik 3-milluunniit, § 4 a, imm. 1-imik 2-millu piaaraluneerluni mianersuaalliorujussuarluniluunniit unioqqutitsineq, imaluunniit akiliinissamut piffissaliussamit sivikinnerusumik piffissaqarluni akiliinissamik qularnaveeqsuiinissamilluunniit § 5 naapertorlugu peqquneqarnermik malinninnginneq Kalaallit Nunaanni pinerluttulerinermik inatsimmi maleruagassat naapertorlugit pineqaatissiinermik kinguneqarsinnaavoq."

§ 2

Inatsisartut inatsisaat 1. januar 2016-imi atortuulissaaq.

Namminersorlutik Oqartussat, ulloq 9. december 2015

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut